

四庫全書

集部

欽定四庫全書

集部

石倉歷代詩選卷四百五十五

詳校官右中允臣薩敏

侍讀臣孫球覆勘

總校官進士臣朱鈐

校對官中書臣汪學金

謄錄監生臣錫福

欽定四庫全書

石倉歷代詩選卷四百五十四

明 曹學佺 編

明詩次集八十八

邊貢

送陳文鳴

鬱鬱深澗松冬夏不改青濯濯江柳花隨波化流萍羨  
彼五陵客終朝宴芳腥三楚多秀士皓首窮六經誰為

尺一書薦之升王庭

次何遜落日泛江贈魚司馬之作奉送劉美之  
相投已盍簪相贈還留帶昨暮長安西今朝苑城外誰  
言車馬地復得須臾會會君心暫悅去君心轉切秋岐  
蔓寒草隱隱烟不絕歸雁影聯翩墮葉聲騷屑端居尚  
興感況乃萬里別桂舸泝江湘何時到蠻泖蠻水夜悠  
悠月明登郡樓幽蘭翠縈渚紫蘅香蒲洲應歌楚人詞  
坐惜勛名浮

美之席上限韻送別

惻惻重惻惻當歌忽成默客車駕雙輪欲挽不可得華  
燈燦宵焰殷勤照行色月轉庭榭光風起簷樹黑誰能  
理朱絲為鼓長相憶

賦得將有事於西疇送王中丞致仕

發春驚蟄始土脉動淵泉時雨宵既零浮陽藹平阡風  
晨節耒耜驅牛登廣原竭茲畎畝力感彼農父言穡事  
依東作天時易流愆南隣有逸夫日晏高枕眠四體苟

不勤何以窮歲年

章氏園餞別升之分得水字

中國飛雨過逍遙散遐矚青雲蔭華棖迴飈撒炎燠百  
卉何歲蕤芳菲鮮如沐駕言贈遠人采采溝中綠遲回  
未終極陽景沈西陸歸驥嘶長林翔禽鳴高木感物多所  
思褰裳以躑躅躑躅不可留何以慰衷曲

秋郊別意為汝南孟翁補作二首

驅車循廣術言返故鄉縣晨光一何綺熹微散秋甸宛

宛虛曲中盈盈露華泣因之感遊寓物候倏已變豈薄  
骨肉情遙重桑梓戀

桑梓在何許藹藹汝南村綠叢帶長薄清川映柴門言  
別上春時當秋始來還禾黍一已穫臚臚見高原落日  
樵牧歸涼風散雞豚登堂見隣叟呼兒具盤飧依依丘  
中情欸欸醉後言即爾良為樂安用乘華軒

為揚子賦別母詩

青驪載華轂宛轉度秋坂母氏遠別離客子心繾綣行行

采芳蕙緣陔復循畹山風夕飄飄吹我車上幪車行不  
可返母去日以遠何以保黃髮對子加飧飯

贈王文熙二首

陽鳥流歸音空堂春風早居人結遠夢行子就長道雞  
鳴東方白整駕何草草歎息素冠詩繁憂滿中抱  
總轡城東門繾綣行子輟郊原茂時卉林薄鳴春鳩登  
高眺連岡川途邈且脩俯睇川上波泛泛鳬與鷗一為  
離羣感淚下不能收



分韻再送文熙

夜久河漢橫春堂別燈黯風淒鳥初動露重花猶歛  
明發不在茲重關為誰掩

別熊子

驅馬陟前阪惆悵送子歸良晤未及終車徒忽已違  
陰風蔽天地砂礫慘陽暉奔藿不自謀衆禽相與飛  
五里一反顧十里一徘徊徘徊不可見淚下沾我衣

別湯子

彈子匣中琴寫我心曲悲我悲良自諳子琴知者誰不  
惜去日早但恨來日遲何當假羽翼送子川之渚

驅車井陘谷揚旆汾水流翱翔覽四極迢遞陟崇丘遐  
諏歷崑巘幽訪浹原疇勗哉利爾涉風湍寡行舟

喬木多勁矢直流無反波哲人秉孤操孰云光可和嗟  
彼黃雀吟感此卿雲歌悠悠向原隰惋惋將如何

吳將軍巡關圖

胡馬歲南牧漢軍勞北防軍情異主將冷煖須共嘗朝

出潮河川暮過古北口邊烽傳羽箭朔氣嚴刁斗月下  
黑山晴分明見列營霜欺征袖薄石報馬啼鳴三軍既  
晏然暇日倚吾枕天子不可驚長懷亞夫寢

題楊氏所藏畫

翩翩水禽飛灼灼水花亂柔艷雜幽聲紛紛滿芳甸悠  
悠畫中意潏潏天機新彷彿曾遊處江南二月春

贈徐子

丹棗何累累朝日耀其光上有同林鳥飛飛鳴且翔行

子遠於役攜手登河梁舊京渺安之江永衢路長戚戚  
里中語依依川上情駕言往相遂無舟何以航乖離去  
則已但使心無忘

奉贈少司徒華容王公致仕

大谷霽長霖迴雲媚山澤流潦豈不廣孰云泥吾輒朝  
謝司農卿夕為岳陽客皇眷良在茲行止各有適有適  
非盤敖眷言反初役解彼府中綬歸我湖上宅葺宇依  
清連躋山憩玄石幽棲謝生慮靜便終日夕矯矯雲際

鴻誰能制其翮

贈閣允中

郊月隱寒樹，喔喔霜雞鳴。  
翩翩隨陽鳥，悠悠憚遐征。  
客車履晨發，迢遞踰層城。  
清川帶長薄，綠蕪萋以榮。  
江路東南馳，行子慕脩程。  
金陵帝王宅，佳麗夙遺名。  
吳觀藹崑崙，晉丘亦崢嶸。  
憑軒一迴眺，千載有餘情。

伯川子仕為地官大夫，能其官且有顯陟矣。乃一旦思其母夫人，解印綬去。予知其必有以

也取六義之比賦有兔詩二章以美之

有兔何爰爰宅我中谷阿中谷一何邃山石鬱蹇我脩  
篁蔭清風秋菊揚其華于偃復于息為樂將如何

月明流夕光零露白湛湛饑食野田草困息山石陰物  
性有固然衛生良以深不見虞人置肅肅施中林

答石峰見懷之作

露井梧桐凋杳杳秋夜涼眷言懷美人展轉何能當纖  
月挂西牖微明照我牀皎皎瓊樹姿寤寐如在傍近離

已不堪況乃途路長誰其繫子馬慰我心彷徨

城東尼寺哭妹三首

佛居峻且玄中有嘉樹林驚飈墮其芳柔葉垂廣陰青  
陽詎能幾朱夏奄相臨一為生死哀感我涕盈襟

生為同胞親死為異域魂魂升不知反親斷有餘恩列  
几陳羞飯芳醪湛空樽陰風吹薄帷慘慘白日昏徘徊  
復何見惻愴難具論

平生處閨闈不識門與達孤魂蕩幽邈廣野將疇依舊

國踰山河反葬路逶遲寥寥神宇空疊疊芳序移死去  
長已矣徒令生者悲

經西湖

皇園寂脩夜馳路直且長玄湖貫其北流水何湯湯孟  
冬寒氣交原野下微霜衆芳各以萎鴻雁哀南翔俯視  
清州波仰看明月光涼風吹我衣俛首思故鄉故鄉不  
可返攬轡止彷徨

贈尚子



意氣憑凌一當百關西儒生五陵客少年學書復學劍  
老大蹉跎雙鬢白門下諸生半賜麻閨中小婦猶炊麥  
布衣東來謁天子春日醉卧長安陌陌頭花絮夕紛紛  
瓊閣如天隔紫雲浩歌翩然却歸去眼底誰是平原君

孺子宅送程南昌

豫章城南高士眠豫章太守榻常懸漢庭使者召不起  
土室蓬門江水邊江水悠悠朝市改故國荒涼宅安在  
墟里遙看變夕煙墓田誰為羞春蒞使君五馬雙朱輪

露冕乘春意氣新下車先問南州客恐有當時下榻人

吳將軍轅門夜宴圖

營門花發春酒香濃點醅炙黃羊美人胡歌健兒舞  
蠟鳳啼風月當午高簾飛幕絲吹騰觴波櫛櫛梁雲凝  
主人醉眠客不醒探兵枕戈戍煙靜

李將軍

李將軍七尺身丈八矛生來骨相當封侯錦袍白馬如  
流電一歲長安一相見不掃胡塵向朔庭空隨漢月歸

鄉縣李將軍雄且英山東塞北咸知名嗣忠堂前世澤遠且  
讀父書調母羹君不見長揚羽騎如雲集天子勤邊方好兵

次杜工部秋雨歎韻東希尹

睡起山厨濕烟白堆盤忽見紅蟹鮮狂夫對此興不淺  
恰直床頭無酒錢簷雨霏霏暮聲急蓬頭獨倚欄杆立  
美人不望不可攀閒誦枯魚過河泣

車遥遥為前人賦

車遥遥風起沙蓬卷離腸逐雙輪輪轉腸亦轉雙輪轉轉

臨大河雪花如席冰差我盟津渡頭燈火亂洛陽城邊  
冠蓋多車遙遙載君行載名返赤鳳銜書下紫雲回期莫待春夜晚  
題豐內翰愛鳧樓

春鳧呼其侶拍拍戲芳渚一鳧忽驚人羣鳧共高舉回  
翔集城下點點散如雨愛鳧古人今幾秋夕陽江上空  
高樓凭欄獨送千里目平沙莽莽寒煙綠

廬墓哀為楊名父作

廬墓哀廬墓哀墓上有花親手栽春風一番花一開親

魂去矣何時來魂不來兒不返空林月落猿聲斷淚花  
着樹花已空傷心何處吹羌管

接樹歎為方舉人廼翁作

朝汲水暮伐土山人接栗山中圃白頭翁嫗感且傷那  
能更待渠實嘗春風花開秋結果玉盤跪進黃金顆冰  
魚凍笋古有之誰道蒼蒼不關我我圃之樹今十圍雙  
親何在塚累累山人見之雙淚垂

白岩公墜馬次杜韻奉呈

我本使君幕中客慣趨廣庭侍雙戟雨晴拂曉時一過  
齒齒屐痕開蘚石使君何所作白羽搖搖藤七尺使君  
何所好湘縹在床琴在壁邇來使君偶墜馬十日不踏  
長安陌芳英落盡春已晚影倒青林日光射君不見少  
陵老翁亦傷足猶對驕駟歌噴玉又不見漢庭司農不  
受辱自比轅駒悲局促人生須作壯士豪安能蚩蚩等  
胥僕城西有山如少室城南有村如杜曲映水岩雲鎖  
翠微隔花山鳥啼蒼竹君須乘興我須馬磁甕滿載春

缸綠酒酣拔劍共起舞詩崇病魔齊就戮

君馬黃贈祝仁甫赴長蘆

君馬黃我馬蒼兩馬相逐君馬良君馬來自函關道我  
馬空山食秋草憶昔兩馬初學行長安見者神色驚魯  
坻驪黃未足論衛丘駉牝虛馳名豈料長成人少顧十  
年不踏天閑路逸羣翻惹太僕嫌騰蹏正中奚官怒以  
茲流落在風塵南走荆梁西入秦自傷萬里汗流血誰  
道五花雲滿身弃置不須憐我馬君馬亦在鹽車下疾

足由來控者難驕嘶自合知音寡吁嗟君馬天下無且  
向沙場閒秣芻比來司牧今伯樂肯使君王空按圖

次韻贈陸文質歸雲間

橋西落日橋東虹碧烟黯黯秋正中九峰仙客泛槎去  
鶴氅虬髯吹晚風槎頭乞藥人如市共說神方能起死  
海上傳來語不虛青蛇本是龍宮子月光星影動銀灣  
河鼓天孫指顧間長安亦有君平肆莫避雲濤隔歲還

送楊邃菴督馬關西



狼星掃天西虜來飛勒叩關關夜開當關空列貔虎士  
伏櫪不見麒麟材朝戰關頭暮關下瘡痍大半徒行者  
箭書入報宵旰憂拊髀勸思大宛馬中丞主馬朝命  
新威震動地驚故人長城迢迢亘西北萬里可當公一  
身秦苑草青秦水古魯垞衛丘那足比我公息馬兼息  
民民保田廬馬生子天燠在野寒在槽馬子日肥民不  
勞三軍校閱錦雲亂萬蹄蹴踏沙場高將軍騎出天驕  
遁玉門烽靜班超覲我願公歸登上台他日用賢如用

駢

分題得鵲山湖送維正李憲副之山東

齊門東沙逕平雲幕幕湖冥冥使君來麥秋晚柳陰陰  
畫舟遠瘦蒲疎荇逗遛香南浦煙光接西堰堰北山靈  
鳥復兔對面潺湲華不注山前綠稼隱茅茨舊是齊儂  
釣遊處橫撓越水滸飛踏青芙蓉華陽洞口跨白鹿醉  
吹玉笛呼眠龍長饒野老逐李邕錦袍仙人隨赤松石  
壁土花秋靡靡古蹤悠悠鎮如此要留洒翰洗蛙蟬雨

林夜黑啼山鬼

送同年少宰汪閒齋考績北上

鳳闕開晴霞龍樓啼曙鴉春風上春月吹滿上林花上  
林花色明如繡亞相考功新入奏遙從花外駐公車更  
向花間聽禁漏禁漏丁丁雜珮環朱衣玉貌動宸顏銓  
司藻鑑懸秋水憲府威名重泰山廊廟雍容需袞職徵  
迎不用皇華敕元知北斗近三台早見東人歌九罭都  
下舊遊懷丙辰回頭二十九回春看花借問當時侶白

髮重逢今幾人

題王二採蓮圖次壁上沈石田韻

秋塘露下菰蒲冷野鷺沙鳬夜相並東山月出一丈高  
岼柳垂垂見踈影雞鳴浦口漁伴稀自採紅蓮溪上歸  
題石田畫二首為楊仲深作

夕陽半落羣峰高古林萋萋迷猿正號欲招同人眺野色  
安得揚州何水曹近煙蒼蒼遠煙白此時獨作村西客  
君不見石子岡頭蘿薜深麋鹿成羣詎相識

平生不識石田子，往往相逢畫圖裏。世傳百本無一真，  
抹青塗紫俱門人。秋堂對此雙眼豁，悠然置我溪與壑。  
君不聞畫家貴意不貴工，只在冥冥漠漠中。

題白岩竹

竹枝裊裊根卓卓，質堅不受苔蘚剝。是誰向壁掃縑素，  
古色蒼顏秋濯濯。彷彿猶自煙水區，萬里湘潭土新斲。  
又疑身生風雨池，老蛟盤拏突頭角。醉呼虞帝歌南風，  
蒼梧雲深翠華邈。

題周道士采苓卷

夫椒山中多老松白雲隱隱盤蒼龍山人荷鋤采苓去  
徃徃仙人松下逢仙人本是山人作山人向來滿功課  
句麗勾吳幾萬里杏花陰裏春風大君不見蒲江古井  
凝綠華乳嬰綆上聲咿咿長秋道士不入口放魚女兒  
升綵霞

海樵吟

海樵老翁居海島自言不及山樵好山樵伐木歸作薪

隆冬滿室回陽春  
海樵網得珊瑚樹  
竈底欲炊然不去  
日將空腹對家人  
敢向山樵論飽飫  
中興天子元會辰  
大開閭闔羅九賓  
勅使四方求寶貨  
海樵尚食山樵餓

次韻春雪

怪爾陽春日淒淒  
晝雪寒情知飛絮  
假還當落梅看  
向日偏縈戶隨風  
故繞欄同雲幕千  
里吟坐憶長安

寶應元夕飲朱升之舍

望望安平驛春行  
路不遥故人還此  
地芳序且元宵水

近潮通閣燈寒月近橋計程拚取醉佳賞更須招

西陵訪王給事汝溫不遇

狂夫多野性春到每思家却訪山中客還逢水際花薄  
雲陰古殿鳴鳥聚連沙迤邐回溪晚西陵月正斜

郊壇夜步

晚步凌高榭春空月正明星辰臨漢時樓觀俯秦京靜  
夜風颭響豐年穀日晴同心隔城市相望轉盈盈

沙河



放馬野田草路迴登古原雞鳴桑下屋牛卧雨中村薄  
日浮山影長橋下水痕煌煌中使出束帛向陵園

泛湖

此日秋風起移舟向浦煙客心隨地遠人語隔花傳古  
寺疎林外孤亭落照前十年塵土夢回首一茫然

山行

兩山開一逕杳杳入雲煙仄磴樵人下危峰野衲禪斷  
鴻愁返照歸馬識斜川井邑干戈後凋零異昔年

與平崖林秀史泛湖北抵華不注山夜從陸歸  
浮舟出近郭落日半溪陰水濶蒹葭淨山寒煙霧深壺  
觴不盡興絲竹有餘音獨悵黃花少猶煩隔浦尋

贈何子元

飲馬長城窟秋風隴水鳴旌旗連朔氣笳吹咽邊聲鹿  
塞胡霜白龍沙漢月明共嗟班定遠身是一書生

贈蕭醫士

覽鏡歎華髮出門鄉路遙客裝侵暮雨歸楫渡春潮草

綠河陰細鶯啼苑外嬌  
荷鋤行采藥還似赤城樵

旅寓清源有懷故鄉親友次張西峰韻

雨過雙松午雲陰覆閣長  
柳蟬迎日嘒芹燕落泥香  
碧水通官舍青山接故鄉  
懷人不可見歸思轉蒼茫

送于時宜

行子對新月臨堂酣且歌  
客衣寒未減鄉夢日應多  
曾向封春草淮川渺夕波  
芳音託回雁迢遞奈情何

送楊純夫

天府通新籍毘陵返故居三春辭北闕幾日過南徐  
岾柳陰陰接汀花冉冉踈江流日東下何處覓雙魚

次韻留別張西盤大叅

苦戀三秋別還為十日留江湖宋玉感風雨杜陵愁墜  
葉鳴沙岾寒雲抱驛樓河梁阻攜手誰與賦同舟

送王景暘長史還周府

駟馬薰風裏中州路不賒雨深梁苑竹春老汴宮花親  
榻分羹美王筵設醴嘉五雲迴首地不似賈長沙

東阿留別無涯孟子

逆旅相逢地春殘花事稀同憐在遠道且復換征衣碧  
草連村暗青山四郭圍欲旋歸去馬還逐使君歸

送鄭雪齋秋官歸閩中

識面沈憂裏重逢旅病間應緣著書癖且作泛舟還雨  
色含青柳江流遶碧山東門一樽酒只尺杳難攀

張秋官元德席上留別

春日江陵去煙花萬里途山川留故郢舟揖帶三吳樹

影湘流轉猿聲峽月孤  
郡樓登望夕天北是皇都

雨中憩雙泉寺

野寺臨官路山門俯近郊  
閣虛鐘梵寂院靜薜蘿交  
密雨沈蛛網閒雲擁鸛巢  
故人詩在壁惆悵隔衡茅

倫上人院晚坐次白湖韻

過雨禪房寂松筠一逕遮  
梵筵青瑣佩香竈碧山茶  
鶴靜欹寒水僧閒數落花  
詩人類迂僻乘興即為家

十月六日遊千佛山寺

亭午登山寺淹留夕未歸涼風起高樹落葉滿僧衣城  
郭寒煙聚樓臺暮景微京華十年客愁絕賞心違

上王氏妹墓

王郎呼不起吾妹亦泉臺白日山頭下悲風樹裏來有  
親差可慰無子更堪哀歲歲荒墳土何人奠一杯

仲冬望日先隴述哀

矻矻銜石鳥悵悵棲月烏雲霄雙翼倦天地此身孤雪  
野兼愁遠風揚著淚枯一杯殘臘酒知到九原無

幽寂

幽寂卧蓬戶淒涼懷舊吟鶯啼非故國草色亂春心落  
日黃雲暮陰風碧海深嗷嗷北來雁二月有歸音

方獻夫讀書山寺

聞君讀書處孤榻寄禪林日抱左氏癖時為梁甫吟開  
窗千嶂出隔巷一燈深獨有花龕月盈盈鑑素心

龍洞山雜吟

寺繞層峰入溪通曲澗開八年千里夢幾日兩回來古



壁流煙色荒蹊疊草萊登高賦搖落慚愧宋生才

過北渚庄

野店長渠繞郊扉晝不開茅堂傍榆柳沙路上莓苔白  
鳥晴飛疾玄蟬夕奏哀主人城市裏經歲幾曾來

題白泉王子壁

吟興復不淺村中無酒家圃雲深映竹墟日半籠花石  
柵啼黃鳥溪泉擁白沙晝眠兼夕坐非為惜年華

家豢鸚鵡為狸奴所斃予傷之賦短律二篇書

呈同志期有以慰我也

爾本能言鳥羈棲誤此生衆方憐彩翠天苦忌聰明月  
下離羣思花間喚婢聲居然成往迹留架在前楹

人日喜晴次蒲汀韻

人日舊京雲日麗鍾山龍氣鬱開祥腐儒推枕病忽去  
野老占年歡欲狂即起戶簾通紫燕早聞宮樹嘒黃鶯  
多情杜甫緣何事解道他鄉勝故鄉

端午

樓船不近打魚磯，簫鼓中流聽者稀。  
遙想紫宸頒制扇，真慚清禁賜宮衣。  
池亭映日榴開錦，城郭籠煙柳蕩旂。  
傳有湘江年少過，蘭橈應弔屈平歸。

東村冬日同劉王諸子步歸

泱泱空原返照開，杖藜村逕暮徘徊。  
霜苗迸土纖纖出，風葉辭林宛宛回。  
扶病可須重載酒，住家何必更登臺。  
青鞋布襪滄波畔，白石歌殘意轉哀。

元日次灤江中丞韻

伏枕驚看歲又新  
卧聽街市響蹄輪  
樽無白酒元因病  
屋有青山不當貧  
向晚雲霞偏弄色  
得時梅柳故爭春  
閉門可是甘肥遯  
懶效東西南北人

歲除祫祭以病不與奉答同  
寅白巖見懷之作  
木榻香寒篝火融  
暉暉殘日隱房櫳  
天涯風俗追隨裏  
歲暮陰陽感慨中  
井幹不消經夜雪  
背萱猶發故年叢  
端居最憶東朝士  
俎豆從容未可同

九日雨中登樓

八月黃河擬泛槎為憐重九一停車登樓恰對冥冥雨  
行逕稀逢采采花蒼樹破雲秋寺迴碧山當檻暮城斜  
鄉園客路俱愁寂傳語遊人漫憶家

郊祀齋居次柴光祿劉鴻臚韻

燭火琴張伴獨居月華遙上閣簾初懷人忽夢春塘草  
侑食聊烹雪苑蔬南牧犬羊時有報北來鴻雁久無書  
玉簫聲裊爐煙細懶聽仙官說步虛

入壇馬上次月巖韻

樓頭鐘散曙煙微城上旗翻曉日輝雙馬共依南陌度  
羣鴉爭入上陽飛離郊薦歲先農事甲帳屯雲護帝畿  
三載太常無寸補敢言身跡與心違

齋居候駕次韻

園丘圍繞萬松青石室縈紆憶舊經乘月試觀仙陛樂  
倚風遙聽屬車鈴力堪供奉丁年健心到齊明午夜醒  
欲效杜陵歌大禮書成誰為達皇局

次韻寄秦鳳山少司徒

靜依高閣憫年芳，萬里霜雲接塞長。  
南郭雨晴山自碧，北山時到菊猶黃。  
羞將老病干明主，幾對琴樽憶侍郎。  
莫枉高情賦招隱，水東籬落未全荒。

冠中丞北撫宣府奉同南渠韻

守邊猶得近邦畿，亞相權兼大將威。  
烏府夜間關月皎，戟門秋靜虜塵稀。  
探兵入塞無傳箭，勅使臨戎有賜衣。  
聞道六龍巡幸所，至今常見五雲飛。

春日寄南曹故人

白門楊柳石橋邊尚憶金陵吏  
隱年獨夜有懷通夢寐  
五雲迴首隔風煙鳳凰臺古江應繞  
鵲樓高月自懸  
省寺故人元不少南音誰附北鴻傳

奉答白巖諸公見懷聯句

暝鳥催歸出寺門長安春色已黃昏  
林塘只隔水西渡  
蹊徑故妨花外樽星列鎖垣占聚榻  
月斜銀浦怯迴轅  
清宵只尺懷人地海北天南未可論

座上奉贈白巖少卿



淮陰廟前沙路微井陘口下行人歸丘園別後新松老  
關塞經過舊壘稀駸駸羽騎聯春甸隱隱山城啓夕扉  
却顧太行應歎息十年空望白雲飛

次獻吉留別韻

初春郊甸積雪滿客子出門岐路長征車杳杳去不息  
關柳青青愁未央却望泰山懷故道即歸梁苑亦他鄉  
十年京洛交遊地日夕風煙思渺茫

寄南宗伯白巖

神仙官府說南畿聞道春曹事更稀庭轉晝陰移樹影  
印封秋雨上苔衣臺城柳暗宮前路別墅棋殘石上圍  
台斗位懸朋輩少與誰同賞復同歸

濟寧候文鳴中丞不至却寄

遠傳開府駐任城北上樓船趨日行梅信鴈隨千里使  
羽書春散兩河兵青青凍麥侵沙吐縷縷晴雲隔浦生  
三夜月明虛鎖纜倚蓬西望不勝情

郊壇齋居有懷簡風山月岩

只尺行軒隔兩街高吟何處美人偕桃源已屬花時感  
剡曲空勞雪夜懷伐木有聲鶯在谷抱琴無韻月明齋  
行宮從罷親曾數屈指城西少舊儕

寄正齋俞藩叅

仲春風日冷淒淒側望歸人路不迷千里紺煙新撫哺  
兩都青瑣舊封題鷓鴣有翮中猶鍛桃李無言下自蹊  
沙舸一樽違面把素書遥寄魯門西

和臬翁為整菴相公作

宛洛分携五見冬，豈知遷轉得相逢。  
藩垣子不慙京兆，禮樂吾深愧秩宗。  
寒宴水西開紫菊，暮帆江上對青峰。  
朝正切感當元會，十載重聞鳳闕鐘。

見素林公坐上喜雨次韻

蕭蕭靈雨夜，垂空露浥葵。  
心映燭紅忽，報水侵庭礎。  
外不知花盡漏聲中，雲雷自識經綸象。  
造化同歸燮理功，我欲登堂問昭感。  
如公真見古人風。

贈都督馬惟淵

斬將搴旗處處勲  
冠軍名姓舊曾聞  
班超出塞先投筆  
卻穀登壇且好文  
海泛直窮蛟蜃窟  
山驅深入虎狼羣  
年來上馬披重鎧  
要縛單于獻聖君

寄呂思泉太僕

永陽司馬碧山居  
幾度詩來重起予  
筇杖日隨東郭履  
絲毫時寫右軍書  
梅花癖在官先棄  
鸚鵡才高世共踈  
吳客遠歸憑問信  
九還消息近何如

寄俞正齋大叅

建業春殘風雨淒惠山東望海雲迷函中尺素封長恨  
卷裏芳洲撫舊題臨檻忽當鶯轉樹步園無奈草盈蹊  
江門只隔三朝路何日扁舟過水西

金陵早春奉懷白巖翁次致政志喜之韻

晉山迢遞隔吳鄉碧樹千重雁幾行江上再逢新歲月篋  
中時簡舊篇章名叨啓事心常愧迹阻門庭夢不忘已  
恨兩京成遠別可堪蹤跡更殊方

七夕懷南垣劉司空

欲問南塘早暮潮。柳煙蘆月望迢迢。  
江頭錦鯉真難得。天外冥鴻可易招。  
茁茁出波還並蒂。女牛經歲亦成橋。  
懷人已恨蓬山遠。何處涼風引玉簫。

答敦石溪雪中見寄

瑤華新自石溪來。燭底緘封手自開。  
銀海散花方獨眩。玉山當坐忽先顛。  
邊橋市近多春鯉。傍枕瓶香有臘醅。  
晴日杖藜堪共酌。細看臺竹與江梅。

喜蒲汀少宰卜隣

紫宸西畔白門東，雞犬相聞巷陌同。  
家遠正須君作侶，病多無奈我成翁。  
池光應月虛含凍，柳意歸春弱裊風。  
珍重雪泥鴻爪迹，翻飛回首五雲中。

壽春劉守希尹言念故鄉有拂衣之興奉問

恨別君今憶舊山，感時予亦念鄉關。  
天涯岐路幾回首，歲暮風塵多苦顏。  
方朔久疎金馬詔，李鷹終為玉鱸還。  
江城紫翠羣峰霽，望極春雲杳靄間。

次殷石溪遷居二首



溪翁小隱城隅地窈窕松窗對竹林習靜不知紅日晚  
避名真似碧山深臨池野鶴陪孤立破雪江花破苦吟  
從此鳳凰臺畔路杖藜應許數相尋

鑑湖欲並賀知章洛社何如司馬光耆舊即今新續傳  
達人隨處可為鄉沙溪綠蕙牽風細水榭青蘿映月長  
更喜鬱林洲畔石歲寒相對倚冰霜

九月廿四日遣興奉寄太常諸僚

徃歲冰銜竊奉常茲辰光寵異班行斜廊縹緲朱衣月

合殿氤氲玉佩香  
天語獨聞當北面  
岳神分記得東方  
如今病卧秋山裏  
白髮青燈感夜長

聞台峰舟過清源不遂瞻奉短詩寄懷

隔歲關河音信遲  
美人千里惜分歧  
伯華寔愧初奚舉  
仲父虛承鮑叔知  
春到水亭花發處  
月明山館雁來時  
孤帆迤邐青驄遠  
西望長吟有所思

次韻賀劉希尹生子

碧林春暖鳳將雛  
滄海宵明蚌出珠  
前度共占佳夢協

後來堪作小名呼  
犀錢色映雕盤果  
蓬矢香連畫壁弧  
我亦有兒還似子  
會看同學著潛夫

新庄道中即事次章抑菴郡守韻

步隨芳草愜尋幽  
踏徧山亭與寺樓  
情入暮春多感慨  
地過名士亦風流  
川長漸覺三花遠  
雨足因占二麥收  
南望嶽峰蒼翠裏  
到時深恐白雲留

次韻送汪少宰閒齋進賀北上

皇居穆穆九關開  
有客乘槎萬里來  
宮月夜明鵲

觀江雲秋繞鳳凰臺金魚待漏還通籍赤舄凌空不染  
苔珍重麥丘三祝意等閒休當祖筵杯

送後渠崔司成致仕歸安陽

盧龍山畔菊花明一片歸帆五兩輕風入暮林稀靜葉  
月明江雁帶離聲尊前舞綵娛親志袖裏封章報主  
情六館有人爭詣闕願從天子乞陽城

李時佩坐上留別

蘭葉荷花香滿庭坐來炎雨霽空冥簾開高棟一星出

酒對故人雙眼青  
沙柳陰森如待折  
候虫淒斷若為聽  
閒從聚散看身世  
天際浮雲水上萍

送丁考功秉憲之關中

鶯花如錦豸袍新  
建節西行及好春  
周禮職方分二陝  
漢都形勝說三秦  
天浮紫氣函關動  
雨洗青蓮華岳真  
藻思還應有神助  
詩成先寄故鄉人

送張蕭山致政

拂衣歸卧碧山岑  
白髮蕭蕭欲滿簪  
居卜剡溪明主惠

望迷燕樹老臣心層雲鳥度江城遠五月花開水閣深  
感慨臨風一長嘯會聞鸞鶴送餘音

次韻留別貞菴

陰陰汀樹起秋煙冉冉溪花接暮天歸鳥獨衝淮甸雨  
離人新上汶陽船病餘藥餌存芝朮老去心情托簡編  
它日會傳招隱賦緘封應寫渡江年

送張原載黃門弟授職還鄉

矐矐江旭散林鴉裊裊江風捲袂紗燕郭晚春歸處路

楚山明月到時家仙遊自說投竿好吏隱誰憐去國賒  
它夜陟岡應有夢紫堂青瑣隔天涯

送胡中丞伯珩進賀上尊號表如京

羽旗芝蓋拂雲長鳳匱龍函入帝鄉星近紫垣歸執法  
日明丹宸坐垂裳元年繼統天無外大孝尊親國有章  
朝下九衢人辟易尚看驄馬識威光

奉送少傅邃菴翁節制三秦

帝夢非熊起舊邦側思賢佐隱京江三邊羽檄來金殿

五色龍函到石淙范老甲兵胸百萬李侯才氣世無雙  
臨戎制勝尋常事早見邊城築受降

莫愁湖奉餞松月樾岡二都憲仍次前韻

多病春來久索居祖筵花柳出郊初湖中遠興依沙鳥  
雨外清尊薦野蔬名姓會看當宁識勛勞應付史官  
書登朝且上安邊疏漫學文園賦子虛

送荊州董別駕之任用前韻

滁陽叅牧幾經春佐郡遙看牧楚人沙柳色迷熊軾暗



渚花香浥鷺袍新雲連峽樹通西蜀月出江梅見北辰  
公暇有懷堪弔古好傾寒淥奠春申

送秦文學之安仁

二載京華幾勝遊雨中蕭寺月中洲天空鴻雁影初歇  
水冷芙蓉香不流琴到伯牙堪屈指句逢東野合低頭  
無端忽坐江潭去短棹孤蓬萬里秋

送趙主簿兼柬同年呂稽勲仲仁

梁溪渺渺錫山蒼南去天涯客路長霜下海門潮漸落

雨深江甸橘初黃  
城池舊識延陵郡  
風俗猶傳太伯鄉  
卻見吏曹憑寄語  
一年秋色負重陽

四月念日琢菴先生坐上留別限韻作

綢繆初罷月中琴  
客主同懸去住心  
已喜石枰涼近燭  
更憐刁斗亂鳴砧  
華星濕綴三更露  
碧樹陰開四月霖  
長憶此樽還入坐  
玉珂他日會重尋

齊河館中阻雨與二三君子宿別

曖曖青燈夜向深  
卧聽簷雨話鄉音  
水荒田野猶征粟

寒入關山未搗砧江梅十年離別夢道途千里去留心  
月明且向孤城立擬看長風破積陰

送馮有孚歸瓊州省覲兼拜掃先壠却赴江州

監稅

北風吹浪擁仙槎行盡寰區到海涯萬里飛龍天上闕  
五年歸雁夢中家瓊枝翠結秋墳草鐵樹香生夜宴花  
回首潯陽旌節地不同司馬聽琵琶

送華山人歸無錫次聯句韻

碧林斜日照歸驕馬上人如畫裏仙江館夢魂淮甸雨  
水鄉樓閣惠山泉書成寄友重題字詩到尋僧不問緣  
聞說隱君生計好五湖煙浪一漁船

次韻文侍御宗嚴出按中州

淼淼河流百丈寬樓船飛渡曉風寒西臺御史桓公雅  
南國詩人陸務觀春入汴堤青草合雲開嵩岳碧峰攢  
臨岐未有琅玕贈報我無勞雙玉盤

送陳子居

客子南征寒臘初朝恩驚拜網羅除雲山獨馬供愁思  
雪路何人問謫居陽翟縣荒空壘峙武牢關在古林疎  
北畿封壤中州接來歲徵賢有傳車

送吳少叅懋貞梨雲軒賦

離宴逍遙不出城梵堂燈火坐冬晴風圍玉兔寒生暈  
水咽銅龍夜有聲兩月瑣圍慚晚步十年詞苑托高情  
相思莫更尋瑤草漢曲春回杜若生

送柴廷相少尹之無錫

北客南行路幾何  
宦情鄉思渺煙波  
舟中暮雪經吳苑  
江上春衣試越羅  
懷遠漫愁山閣迥  
課耕應愛水田多  
十年舊事悲重省  
休對青松賦女蘿

送張本貞赴常熟尉

瓜步秋風曉放船  
岼頭人說是登仙  
官居地接三江口  
國士名收十載前  
行縣每將玄鶴伴  
散衙時對古松眠  
憑君為報錢工部  
寄我東湖縮項鱸

湖亭夜別柴吳二紀功述懷二首

十年青鎖委蛇地此日逢君感昔遊簪筆曉隨龍虎伏  
鳴琚春入鳳皇樓倉皇出牧臨江郡貧病歸來守故丘  
溪水野煙俱寂莫夜深相送不勝愁

客子別愁何處醒尹家園裏竹青青水深不辨堰西路  
月出更登湖上亭鄉土幸看收戰伐野夫何以報朝廷  
華山亦與燕然並欲洗巉巖勒舊銘

龔司空宅夜宴留別

楚江叢積百花明巫峽岵嶺萬里情用武空懷蜀丞相

牧民那遣魯書生  
山過赤壁磯猶在  
路轉黃州水更清  
長憶春風別離地  
畫堂燈火夜三更

次鄒先生韻送章太守朝覲如京師

北斗離離接上台  
帝京人說是蓬萊  
雲門樂奏千秋引  
竹葉春生萬壽盃  
虎節暫隨鳴佩入  
熊轡應載賜金來  
漢家公輔多循吏  
誰道公非汲黯才

登鳳皇臺次李太白韻呈同遊諸公

苑中芳草玉珂遊  
苑外白雲晴日流  
多病未能拋短杖



有懷翻怯上高丘垂楊晚映秦淮水杜若春生謝朓洲  
靈鳥不來阿閣迴酒闌空抱古今愁

水關東北泛舟晚造希尹別業

隱隱輕雷動水西水東殘日抱晴霓女牆倒颭紅旗影  
農屋斜連綠稻畦張相池臺煙漠漠閔公祠墓草萋萋  
迴舟不盡登臨感却棹涼風過別溪

蔣山次韻

病起尋芳郭外遊漢人祠廟蔣山頭千盤鳥道緣雲轉

五色龍江抱日流隔浦迴看帆  
宵宵步林時聽鹿呦呦  
松阡積雨莎如鏃不有桃花宛是秋

登嶽次劉希尹韻

岱宗山秀百靈屯壁立煙霄萬代存  
幽府化機盤地軸  
上清真氣接天門霞標日觀青松麗  
春透龍池碧水溫  
薄暮振衣峰頂石蓬萊東眺海雲昏

北上天門日未斜剛風吹我度谿  
衍仙人洞古留丹鼎  
玉女祠高拱碧霞深澗千年猶凍雪  
陰厓四月始桃花

秦封漢禪俱牢落細讀穹碑感歲華

玉皇祠畔一凭欄絕頂風高夏亦寒  
北去塵沙通瀚海西來天地是長安  
青雲迥隔三千界白日平臨十八盤  
似有飛仙度幽壑鳳笙聲裏佩珊珊

登直沽城樓

宦遊數覽東南勝西北乾坤見此樓  
冠冕八方通驛道河山千里控神州  
風連碣石雲秋黯日倒扶桑海汐流  
老病獨懸戎馬涕俯身疑入洞庭舟

宣城道中書事

路出荆門不斷山，西通巴塞北秦關。  
四方羣盜何時息，五月征夫且未閒。  
羊祜塚荒碑七尺，武侯祠古屋三間。  
蒼涼雲日江村午，愁絕東流去不還。

題曹僉憲時範曲林倡和卷次邃菴韻

曲林門巷繞溪斜，近接三門洞水涯。  
豈必山中稱相府，自應雲外有仙家。  
斧斤不到陰森樹，池館長開爛熳花。  
最愛隱居生計好，筆床詩卷領年華。

初雪有懷

江南子月稀逢雪子月今年雪可書  
近借曉光分北牖  
遠通春信到山居  
含沙細草纖纖出  
破臘踈梅宛宛舒  
却憶海濱垂白叟  
幾時乘興訪吾廬

蝸傷右足詩以寫懷

足蝸常懷杜老愁  
下堂今抱子春憂  
浮生禍福深難料  
卒歲行藏可待謀  
香抱池荷花自晚  
響回風葉樹先秋  
不眠起坐還中夜  
却傍銀河望女牛

清涼寺次韻

許日肩輿不到山重來猶聽鳥關關川原隱映斜光外  
陵廟參差王氣間風妥暮花侵坐濕雨催春竹過林班  
白雲深處無雞犬轉覺僧家歲月閒

遊林慮山黃花寺

黃花峪臨千萬山招提更在萬山間窗圍白石冬逾靜  
門偃紅椒晝不關迎日岫煙生裊裊咽冰岩瀑下潺潺  
場苗可用維吾馬已判東峰上月還

壽訥齋王封君

竹園槐屋久藏珍  
水思山情老更真  
文會故同居洛叟  
武陵何羨避秦人  
魚竿舊隱時分席  
牙繡新封懶挂身  
壽域曉開城市遠  
只因無地著紅塵

哭同年五清劉先生

幾聽隣笛起悲歌  
舊屋依然怯再過  
紫殿不聞司馬入  
蒼天其奈謝公何  
庭花宛宛開新藥  
圃樹陰陰發故柯  
惆悵禮臺行樂處  
清風蕭颯暮寒多

次希尹謎詩韻戲答

棄置常疑秋扇同招尋何敢望東風  
梅消花雪春方露  
鯉出冰河信始通  
終夜綵雲飛夢裏  
幾時明月墮懷中  
西州道路誰能識  
為訪當年賣卜翁

雨後讀三國志

積雨偏能感四愁  
濁醪真可散千憂  
自憐好客過文舉  
敢望生兒似仲謀  
花塢靜看朱檻暮  
草堂閒對碧山秋  
菴閣架底黃昏月  
且抱青芻學飯牛



問史判乞奕子

出洞經年敵手稀  
袖携仙譜日邊歸  
枰留謝墅花陰靜  
地隔商山草徑微  
啼樹雨鳩俄並立  
入簾風燕故斜飛  
端居苦憶王樵侶  
永晝雙開客寺扉

壽藏

碧山深處築佳城  
六櫬親栽萬古情  
籬下後身陶隱士  
畫中知己趙臺卿  
隣翁過訪分泉飲  
童子迎歸拄杖行  
應笑紛紛學仙侶  
藥爐辛苦望長生

暮春病起寄懷希尹

院靜簾垂春日斜，藥爐茶鼎寄生涯。  
閒思舊侶空懷遠，病對芳辰轉憶家。  
簷畔落泥還燕子，檻邊飛絮且楊花。  
何時却捲圖書去，一放江門萬里槎。

謁文山祠

丞相英靈昔未消，絳帷燈火颭寒飈。  
乾坤浩蕩身難寄，道路間關夢且遙。  
花外子規燕市月，水邊精衛浙江潮。  
祠堂亦有西湖樹，不遣南枝向北朝。

題雜畫

藹藹古城隅  
遙遙車馬度  
同為城外人不識  
城中路北風吹大雪向夕滿空山  
遙見山中客懸燈草屋間  
江水春春碧江門畫畫開  
荒村過客少獨自掃蒼苔  
鳥啼青石岡日照紅泥坂  
杳杳雲外鐘山僧獨歸晚

西園

月落古隄上人行春陌頭  
曉煙如有意長伴綠楊樓

冬至上陵途中雜咏

鴉啼古城上月落古城闌城外車馬道清風飄素塵  
朝從田父飯憇馬古林西村雞不知曙日高猶自啼  
枯楊臨大堤上有鸛鵒窠春風幾日至會使綠陰多

秋日過西內團殿

御溝東畔古松盤曾得先皇倚笑看龍馭不歸鸞吹杳  
石廊圓殿鎮秋寒

次白洲韻贈黃教授

賈生只合住長沙三載江陵却寄家雲靜碧天秋日午

講堂吟對水犀花

題扇寄壽春希尹

淮南花雨送春還  
叢桂陰陰郡閣閒  
自是劉安有仙骨  
謫居猶近八公山

次韻題菊贈俞國聲歸無錫

遠携樽酒惠山來  
夢草情牽對月杯  
雲際恐聽雙雁別  
水邊愁見一帆開

次韻梧山中丞寄別東塘侍史

宋臺梁館暮霜餘野色蒼茫擁使車馬首不隨南去雁  
袖中元有北征書

諫草書殘驛舍燈翠花衝雪恐難勝回輶莫向春明路  
見說君王在白登

羽蓋飄飄白日臨迴光應燭小臣心願同汲黯留中閤  
更擬相如賦上林

重贈吳國賓

漢江明月照歸人萬里秋風一葉身休把客衣輕浣濯

此中猶有帝京塵

寄閻衡之同府

客來君寄一雙魚  
客去還君一紙書  
欲買扁舟向東下  
洞庭春浪近何如

夜宿太常官舍懷佐一首

只尺東曹信渺然  
別離何似路三千  
松窗月色槐陰雨  
一夜愁心似隔年

內弟文甫至清河一見而別題扇贈之

逆旅相逢意惘然四年魂夢一燈前  
即教乍見還分手猶勝山陰雪夜船

瑞卿留別次韻以答

揚舲無奈客心何暑雨平添潞水波  
草閣驛亭談笑別碧山回首暮雲多

送顧侍御出守馬湖

露冕南州火井西東過瀘水北沱溪  
借問鄉愁何處切千山明月子規啼



送張元亮

知君元在識君先  
水國相逢亦偶然  
何日一樽還遠別  
暮雲春樹暗江天

送毛東塘侍御北還後懷寄

汴上相逢一載餘  
五雲回首送軺車  
河梁別意真堪畫  
行李瀟瀟幾卷書

衛輝阻雨奉別辛菴彭太保

宦情時事劇秋雲  
話到傷心不忍聞  
別夢迢迢似明月

漢關秦塞遠隨君

送雷州趙太守三首

蘇公樓前海日晴  
伏波祠畔瘴煙清  
荔枝垂實桄榔暗  
太守來時雙鶴迎

詩人出守是尋常  
萬古心期一瓣香  
若道雷州非樂土  
請君時到十賢堂

我在江陵望帝鄉  
登樓時恨楚天長  
憐君更隔三千里  
嶺樹湖煙共渺茫

昌平廢縣

層阿迴眺獨行行  
日落春山煙霧生  
山下荒城隱叢薄  
踰人云是古昌平

泰山回馬嶺

回馬嶺前春日西  
澗花巖樹鬱萋萋  
上方鐘落不知處  
惟見白雲巖畔棲

鹿門山

龐公舊隱鹿門山  
近在襄城漢水間  
石洞草荒無路入

夕陽時見鳥飛還

習池

習家池上草萋萋  
流水成渠稻作畦  
山簡不來遊客散  
居人猶唱白銅鞮

棟塘歌

棟塘老人塘上遊  
颯颯西風吹素秋  
記得看花三四月  
滿堂紅紫映波流

避喧

興在桃源山水間幅巾藜杖每忘還沙田雨濕青牛卧  
石洞花深白鹿閒

竹店舖候高生不至

行盡荒山更涉溪故人聞說在城西空庭日午車馬寂  
惟有鷓鴣深樹啼

石倉歷代詩選卷四百五十四